

ISLAM & HOMOSEXUALITÉ

COMPRENDRE L'ISLAM DE L'INTÉRIEUR

Si dans le passé, aborde le sujet sexualité ti considéré comme tabou, zordi li pa ditou le cas. Au contraire, sa sujet la li largement abordé, discuté ek représenté lor télévision, dans la presse ek lor réseaux sociaux. Donc, ena sa question la: kisannla ena l'autorité pou décider ki bon et ki mauvais concernant comportement sexuel ?



ENE QUESTION DE CHASTETÉ

Allah, dans So sagesse infini, Li fine établi banne commandements concernant comportement humain dans tous domaines, même et en ceki concerne la sexualité. Dans le Saint Coran, Allah dire :

« ..et banne zommes ki préserve zot chasteté et banne madames sirveillantes concernant zot chasteté, et banne zommes ki mazine Allah boucoup et oussi banne madames ki faire souvénance Allah, Allah finne prépare pou banne-là ène pardon et ène grand récompense. »

(33 : 36)

Sa verset la faire nous kompran clairement ki nous bisin préserve nous chasteté, et Allah Li oulé ki nous traverse graduellement depuis ene l'état naturel, vers l'état moral, et finalement vers l'état spirituel. Faudrait pa nous oublier ki but final de nous création c'est reconnaître, servir et adore nous Créateur, tout comme Allah dire :

« Et Mo pa finne créé banne djinns et banne dimounes mais pou ki zotte adore Moi.. »

(51 : 57)

Allah fine créé l'univers ek fine choisir l'Islam comme religion, comme ene guide, afin ki nous capav profite de So création dans ene façon correcte sans souffrance. L'Islam donne nous ene système de valeurs ek normes, ene code de conduite, pou vive ene la vie saine, productive ek paisible, et gagne pardon, miséricorde ek plaisir Allah.

ISLAM & HOMOSEXUALITÉ

KI ISLAM SO POINT DE VUE LOR L'HOMOSEXUALITÉ ?

Homosexualité c'est ene sujet bien sensible ek controversé dans la société actuelle. Nous ena sa question la : **ki position l'Islam lor sa ?** Réponse trouve dans nous livre sacré, cote Allah dire :

« Et ène parmi So banne Signes li ça, ki Li finne créé banne conzoints pou zotte dépi zot prope l'espèce-même, pou ki zotte gagne tranquillité l'esprit are banne-là ; et Li finne mette ente-zotte l'amour et tendresse. En vérité, dans ça, éna banne Signes pou ène pép ki réfléci. »

(30 : 22)

« Et d'ente zot madames, banne ki commette indécence... alors réténir banne-là dans la caze ziska la mort prend zotte ou soi ki Allah ouvert kik l'aute simé pou zotte. Et si dé zommes d'ente zotte ki commette ça acte indécént-là, alors donne zotte-dé ène pinition.. »

(4 : 16-17)



Nous kompran par sa banne versets la ki l'Islam pas reconnaître mariage entre deux personnes même sexe. Donc, tout activité homosexuelle considéré comme activité extraconjugale. L'Islam interdit tout relation sexuelle en dehors mariage. Donc, actes homosexuels li considérer couma ene péché.

Plus précisément, l'Islam interdit relations sexuelles entre missier ek missier, madame ek madame, et missier ek madame ki pas mariés. Et sa li soutenir parfaitement l'enseignement islamique lor la chasteté et system sacré du mariage.

L'EXEMPLE DE PEUPLE DE LOUT (AS)

Peuple Sodome ek Gomorrhe ti commet ene péché ki personne pa ti faire avant, et sa fine attire colère Allah. Le Coran, à plusieurs reprises, décrire peuple Sodome comme bans dimounes ki ti engager dans abomination ek immoralité. Le mot "sodomie" dans langage moderne dérivé de nom "Sodome". Le Coran li bien clair lor ceki sa peuple la ti faire :

ISLAM & HOMOSEXUALITÉ

***Et Nous ti avoye Lot ; quand li ti dire so pép : «
Certainement zotte pé commette ça indécence ki
aukène parmi banne dimounes zamais pa ti
commette avant Zotte. Esse-ki en faite zotte approce
banne zommes pou satisfaire zot désirs charnel..?***

(29 : 29-30)

Lout (as) dire :



***« Esse-ki, parmi tout banne créatires, zotte soisir pou approce banne
mâles? Et zotte laisse dé côté zot banne madames ki zot Seignére finne
créé pou zotte. La vérité li là, zotte ène pép transgressére. »***

(26:166-167)

En réponse à so parole, banne habitants de Sodome dire :

***« Si to pa arrêté, ô Lot ! Certainement to pou dans banne ki pou expilsé
dépi dans ça localité-là. »***

(26:168)

Lout (as), en tant ki prophète d'Allah, ti condamne fermement zotte actions :

***« En vérité, mo détesté zot mauvais pratique. Mo Seignére ! Sauve-moi et
mo famille are ça ki zotte pé faire. »***

(26:169-170)

Li important pou souligner ki sa peuple là ti adopté homosexualité comme
ene **norme culturelle**, li pa ti ene pratique isolée, et c'est sa ki fine provoque
ene **punition sévère** :

***« Et quand Nou l'orde ti vini, Nous ti renverse ça la ville-là en bas làhaut
et Nous ti faire tombe lor li ène la plie roces l'arzile, couce après couce,
Banne roces ki finne marqué pou tombé d'après l'orde to Seignére. Et ça
kalité traitement-là li pa loin are banne ki faire inzistice.»***

(11:83-84)

KIFER L'ISLAM INTERDIT HOMOSEXUALITÉ ?

Ena plusieurs raisons. Ene parmi, ceki **li oppose plan divin**. Allah fine créé
l'homme ek femme, fine mette l'amour entre zotte, et sa relation la li dirige
vers la procréation. Grâce à sa, la vie humaine continuer lor la terre. Sa
continuation la prouve l'existence d'ene Créateur :

ISLAM & HOMOSEXUALITÉ

« Et Allah finne faire pou-zotte, banne compagnes d'ente zotte-mêmes; et, dépi zot compagnes, li finne faire, pou zotte, zenfants et ti-zenfants ; et Li finne donne-zotte banne bon kit-sozes couma provision.»

(16:73)

Li logique ki étant homosexuels, pas possible pou procréer ; donne naissance a banne zenfans. Mais banne couples homosexuels zotte oulé ena zenfans, alors zotte tourne vers adoption.

Finne trouver ki banne zenfans ki fine adopter par banne couple homosexuels fine victime de banne complications psychologiques : stress, difficulté sociale, émotionnelle, et meme dans zotte comportement. D'après l'ONU, banne couples homosexuels ena 25 fois plus risque attrape banne maladies sexuellement transmissible, couma SIDA comparé à bans hétérosexuels.

Beaucoup homosexuels montrer fierté dans zotte mode de vie sans aucun la honte. Zotte prétendre ki li ene tendance naturelle, alors zotte pas mérite être critiqués. **Mais si nous accepté sa logique la, eski nous bizin accepter tous bans types de comportements sexuels ? N'importe ki désir, si li vine naturel, bizin toléré ? Sa logique là pousse l'humanité vers ene comportement animal.**



Source de l'immoralité c'est l'absence d'ene code moral. Dimoune faire ceki zotte envi sans considère zotte devoir envers la société. Résultat : chaos.

PRESSION LOR RELIGIONS

Zordi, la pression pe grandit lor banne religions pou modifier zotte enseignements afin ki capave accommode la communauté LGBT.

En 2021, bureau doctrine Vatican fine dire : “Dieu pa capav bénit le péché.” Mais en 2023, Pape François fine autorise banne prêtres pou beni banne couples du même sexe !

Mais l'Islam pas faire compromis. Oui, l'Islam reconnait ki ena ene minorité ki né transgenre, et sa bannes dimounes la bizin pas persécutés. Zotte droits bizin respectés. **Mais en tant ki musulmans, nous contre homosexualité.** Hazrat Mirza Masroor Ahmad (aba) aussi fine condamne sa et pas fine hésiter pou dire sa a ene journaliste allemand.

ISLAM & HOMOSEXUALITÉ

ESKI HOMOSEXUALITÉ ENE TENDANCE KI NATUREL OU ACQUIS ?

Sa débat la toujours existé. Mais Hazrat Mirza Tahir Ahmad (rh) fine dire clairement : même si la société affirmer ki homosexualité li ene comportement naturel, sa li pas vrai.

Allah pas fine créé désir sexuel sans but. But désir sexuel **c'est pou procréation**. Si ene tendance pas capav atteindre sa but la, be lerla sa tendance la pas kapave ene kitsoz naturel.

Tendances homosexuelles vine aköz comportement social. Bisin réprime sa pulsion là pou le bien-être société. Ene voleur pas né voleur. Banne circonstances faire ki li vinne ene voleur. **Eski nous société accepter vol ? Non. Li condamne li.**

De la même façon, si ene dimoune ressenti tendance homosexuelle, **l'Islam enseigne li pou contrôler, réformer et represse sa désir la pour so propre bien, pour so spiritualité, pour préserve so relation avec Allah**. Pareille couma ene drogué ou menteur.



En tant ki musulmans Ahmadis, nous bizin conne bien position l'Islam, comprend sagesse derrière sa condamnation la, et protège nous générations contre sa mal la.